

quæ à medicis & quæ à physicis traduntur. Medici enim tempora corporum sufficienter ostendunt: physici autem de spiritibus, boreales magis quam australes laudant. Quæ autem corpora maxime vilia sint, magis dicendum esset, vbi disciplina liberorum tractatur, summatum verò sat fuerit nunc dixisse. neque enim Athletarum habitudo utilis foret ad ciuillem habitum, neque ad sanitatem, & procreationem liberorum: nec rursus humilis & imbecilla nimium, sed media istarum. laboriosam eam habitudinem habere oportet, exercitatam verò laboribus non violentis, neque ad unum laborem solum, vt Athletarum habitudo, sed ad liberalia opera. hæc autem similis viris mulierib[us]que existere debent. Prægnantes quoque mulieres curam habere corporum oportet, non pigescentes, neque subtili videntes almonia, hoc autem facile est legum positori prouidere, si iubeat singulis diebus iter quoddam facere debere ad Deorum sacra mulieres, quæ sortita sint concipiendi honorem. Mens tamen contra quam corpus, in tranquillitate est traducenda. quæ enim sunt, ab ea quæ continet, capere videntur: quemadmodum illa qua nascentur à terra. Circa expositionem autem vel educationem filiorum lex sit, nihil orbatum natura fore educandum. In aliis verò, si mores institutiisque ciuitatis prohibeant natos exponere, ac multitudo tanta prolis alicui contigerit, vt duplicatus sit filiorum numerus (nam is definitus esse debet) ad multitudinem nimiam evitantandam antequenire oportet, vt non concipiatur. nam postquam concepti sunt, & sensum aut vitam accepertint, nefas est attingere eos. Cùm verò determinatum sit, qua ætate vir & vxor sint ab inicio coniugandi, quanto tempore liberis operationem dare conueniat, determinemus. Seniorum enim fœtus, quemadmodum iuniorum imperfecti sunt, & corporibus & intellectibus: senescentium quoque fœtus sunt irrobusti: quapropter illud maximè tempus probandum est, in quo maximè intelligentia viget in nobis, id autem esset in plurimis, circiter annum quinquagesimum, vt Poëtarum quidam dixerunt, septenario numero ætatem dimerentes. Itaque qui quatuor aut quinque annis hanc ætatem excesserint, derelinquere debent.